

中國方志叢書·華中地方·第七八九號

據

清·江爲龍等纂修
清康熙四十七年刊本

影印

江西省

宜春縣志

(一)

成文出版社有限公司印行

序

嘗謂天下者一邑之積邑

宰者卿相之基也自漢唐

置郡縣以來最重守令不

次拔擢登之臺垣蓋以守
令者于士民爲最親于封
域爲最悉也故宰一邑者
其于四境之土田賦稅則

壤沃瘠也必有書生齒版
籍老穉盈縮也必有書山
川形勝之險阻忠孝節義
之特出必有書以及剛柔

燥濕之異宜貞淫奢儉之

異俗公卿學士之事業文

章無不一一有書猶古侯

國風詩以脩車軒之採也

我

上前命儒臣纂修一統志

皇輿圖類皆採一邑之志彙

于二郡一郡之志彙于一

省考核異同以成當代全
書邑志願不重哉袁之宜
春舊無專志卽附紀于府
乘後康熙癸亥前邑侯王

公始另輯之今已越二紀
矣數十年間之天時人事
日異月新不有增較將老
成凋謝後有作者不徒抱

荒遠無稽之慨哉今硯崖
江使君爲予督學江南所
賞識士以明經登丙子北
闈賢書成庚辰進士其經

書制義各有專稿行世一
時宗之由紫薇舍人出宰
宜春甲申秋蒞任減徵寬
賦剔弊除奸剖冤誣優士

類修學宮復古蹟善政不
可枚舉雖代庖郡丞再攝
分篆亦不少改絃易轍半
榻圖史兩袖清風泊如也

公事之餘進邑之紳士取
舊志而重訂之殘者補闕
者增不雷同不勦襲事必
闡幽無虛譽也文必徵實

無溢美也褒譏予奪凜然
奉春秋之微旨焉是志也
不獨供輶軒之採與古侯
國風詩增重其以備一統

聖
天志

皇輿圖之叅稽採擇也寧有

既乎且使君殂學好古制

義而外沉鬱于詩歌古文

詞其文章吏治誠有卓

乎大過人者行將荷

恩綸入紫闥侍黃扉爲

聖天子黼黻大平則今日之良

吏不卽爲異日之賢卿相

哉是爲序

昔

康熙肆拾七年歲在戊子

春王正月既望

賜進士第光祿大夫

經筵講官禮部尙書加四級

前戶部尙書刑部尙書工